



საჯარო სამართლის იურიდიული პირი

**მინერალური რესურსების ეროვნული  
სააგენტო**



KA020188437386822

**თბილისი, დავით აღმაშენებლის გამზ. №150 ტელ: 0 32 2 95 00 30**

**ბრძანება № 1239/ს**

**02 / ნოემბერი / 2022 წ.**

**ი/მ „გიზო კორთხონჯია“-ზე (ს/ნ 29001002595) გაცემული სასარგებლო წიაღისეულის მოპოვების N1004782 ლიცენზიის გაუქმების თაობაზე**

საქართველოს გარემოსა და ბუნებრივი რესურსების დაცვის სამინისტროს საჯარო სამართლის იურიდიული პირის გარემოს ეროვნული სააგენტოს უფროსის 2017 წლის 10 აგვისტოს N1247/ს ბრძანების საფუძველზე, ი/მ „გიზო კორთხონჯია“-ზე გაცემულ იქნა სასარგებლო წიაღისეულის მოპოვების N1004782 ლიცენზია (25 წლის ვადით), მარტვილის მუნიციპალიტეტში, სოფელი დიდი ჭყონის ტერიტორიაზე მინისქვემა მტკნარი წყლის (სამენარმეო დანიშნულებით) მოპოვების მიზნით.

სსიპ მინერალური რესურსების ეროვნული სააგენტოს ლიცენზირების დეპარტამენტის უფროსის 2022 წლის 13 ოქტომბრის N2047 მოხსენებითი ბარათის საფუძველზე, წარმოდგენილ იქნა ინფორმაცია, რომლის თანახმადაც, დასტურდება ი/მ „გიზო კორთხონჯია“-ს გარდაცვალების ფაქტი.

„ლიცენზიებისა და ნებართვების შესახებ“ საქართველოს კანონის, მე-3 მუხლის „ა.ა“ პუნქტის საფუძველზე, გათვალისწინებულია სარგებლობის ლიცენზიის მემკვიდრეობით გადაცემის შესაძლებლობა, სსიპ მინერალური რესურსების ეროვნული სააგენტოს მიერ, სასარგებლო წიაღისეულის მოპოვების ლიცენზიის გაუქმების პროცედურების გატარებამდე, ჩატარებულ იქნა ადმინისტრაციული წარმოება, ი/მ „გიზო კორთხონჯია“-ს მემკვიდრის დადგენის მიზნით.

ადმინისტრაციული წარმოების მასალების თანახმად, თბილისის საქალაქო სასამართლოს ადმინისტრაციულ საქმეთა კოლეგიის 2020 წლის 31 აგვისტოს დადგენილებით (საქმის N4/4857-2020), ი/მ "გიზო კორთხონჯია"-ს მიმართ ადმინისტრაციული სამართალდარღვევის საქმის წარმოება შეწყდა მისი გარდაცვალების გამო. დადგენილებაში მითითებულია სახელმწიფო სერვისების განვითარების სააგენტოს 2020 წლის 20 აგვისტოს მიმართვა, რომლითაც დადგინდა, რომ სამეგრელო-ზემო სვანეთის სამოქალაქო რეესტრის სამსახურის მიერ 2020 წლის 30 მარტს რეგისტრირებულია გიზო კორთხონჯიას გარდაცვალების აქტის ჩანაწერი. გარდაცვალების თარიღად მითითებულია 2020 წლის 24 მარტი. საქართველოს ნოტარიუსთა პალატის 2021 წლის 27 აპრილის N16/4823 წერილით წარმოდგენილი დანართის საფუძველზე, დადასტურებულ იქნა გიზო კორთხონჯიას 2020 წლის 24 მარტს გარდაცვალების ფაქტი და წარმოდგენილ იქნა ინფორმაცია მისი მემკვიდრის თაობაზე (ნინო ხასაია).

სსიპ მინერალური რესურსების ეროვნული სააგენტოს 2021 წლის 24 დეკემბრის N22/8742 წერილით, გიზო კორთხონჯიას მემკვიდრეს (ნინო ხასაია), განემარტა, რომ მას აქვს სასარგებლო წიაღისეულის მოპოვების ლიცენზიის, მემკვიდრეობის გზით მიღების უფლება. მას განესაზღვრა 10 სამუშაო დღე, სსიპ მინერალური რესურსების ეროვნულ სააგენტოში გამოცხადებისა და ლიცენზიასთან დაკავშირებული მის ხელთ არსებული დოკუმენტაციის წარმოსადგენად.

გემოაღნიშნული წერილი გაგზავნილ იქნა სააგენტოში არსებულ მისამართზე და ჩაბარებულ იქნა 2021 წლის 29 დეკემბერს, თუმცა წერილის ჩაბარებიდან 10 სამუშაო დღის ვადაში, ნინო ხასაია არ გამოცხადებულა სსიპ მინერალური რესურსების ეროვნულ სააგენტოში, უფრო მეტიც, დღეის მდგომარეობითაც, მას არ მოუმართავს სააგენტოსთვის, სასარგებლო წიაღისეულის მოპოვების ლიცენზიის მემკვიდრეობის გზით მიღების მოთხოვნით.


ყოველივე გემოაღნიშნულიდან გამომდინარე, იკვეთება, რომ სსიპ მინერალური რესურსების ეროვნული სააგენტოს მიერ, გადადგმულ იქნა ყველა ქმედითი ნაბიჯი, ი/მ „გიზო კორთხონჯია“-ზე გაცემული სასარგებლო წიაღისეულის მოპოვების ლიცენზიის მემკვიდრეობის გზით გადაცემის მიზნით, თუმცა მემკვიდრის მხრიდან ინტერესი არ იქნა გამოვლენილი.

„საქართველოს ზოგადი ადმინისტრაციული კოდექსის“ 61-ე მუხლის, „ლიცენზიებისა და ნებართვების შესახებ“ საქართველოს კანონის 22-ე მუხლის მე-6 პუნქტის, „სასარგებლო წიაღისეულის მოპოვების ლიცენზიის გაცემის წესისა და პირობების შესახებ დებულების დამტკიცების თაობაზე“ საქართველოს მთავრობის 2005 წლის 11 აგვისტოს N136 დადგენილებით დამტკიცებული დებულების, 7<sup>5</sup> მუხლის 1<sup>2</sup> პუნქტის, საქართველოს ეკონომიკისა და მდგრადი განვითარების მინისტრის 2018 წლის 04 იანვრის N1-1/2 ბრძანებით დამტკიცებული საჯარო სამართლის იურიდიული პირის - მინერალური რესურსების ეროვნული სააგენტოს დებულების მე-4 მუხლის „ვ“ პუნქტის, სსიპ მინერალური რესურსების ეროვნული სააგენტოს ლიცენზირების დეპარტამენტის უფროსის 2022 წლის 13 ოქტომბრის N2047 მოხსენებითი ბარათის საფუძველზე.

### ვ ბ რ ძ ა ნ ე ბ :

1. ძალადაკარგულად გამოცხადდეს საქართველოს გარემოსა და ბუნებრივი რესურსების დაცვის სამინისტროს საჯარო სამართლის იურიდიული პირის გარემოს ეროვნული სააგენტოს უფროსის 2017 წლის 10 აგვისტოს N1247/ს ბრძანება;
2. ძალადაკარგულად გამოცხადდეს (გაუქმდეს) ი/მ "გიზო კორთხონჯია"-ზე გაცემული N1004782 ლიცენზია, მარტვილის მუნიციპალიტეტში, სოფელი დიდი ჭყონის ტერიტორიაზე მიწისქვეშა მტკნარი წყლის (სამენარმეო დანიშნულებით) მოპოვების მიზნით;
3. დაევალოს სააგენტოს ლიცენზირების დეპარტამენტს ლიცენზიის გაუქმების შესახებ მონაცემები დადგენილი წესით შეიტანოს უწყებრივ სალიცენზიო რეესტრში;
4. დაევალოს ადმინისტრაციულ სამსახურს წინამდებარე ბრძანების სააგენტოს ვებგვერდზე გამოქვეყნება;
5. ეს ბრძანება შეიძლება გასაჩივრდეს დაინტერესებული მხარის მიერ მისი ოფიციალური წესით გაცნობის დღიდან ერთი თვის ვადაში, საქართველოს ეკონომიკისა და მდგრადი განვითარების სამინისტროში (ქ. თბილისი, სანაპიროს ქ. N2).

სსიპ მინერალური რესურსების ეროვნული  
სააგენტოს უფროსი

ხელმოწერილია/  
შტამპდასმულია  
ელექტრონულად 

ანდრო ასლანიშვილი